

НИ-НЕГН БУЛД

Сарул у классмуд, шин партс болн классин доск, дигтә сәәнәр ясгдсн кабинет-мүд эргидән цевр, гилвклднә. Иим сәәхн школд, партс зурдж, нерән тәвх, уудинь чаньгьур хаадж, эрсмүдин шавр уньгъах, альвлад коридорар махласарн шивлдәд, тоос гаргъдж болшго. Тедү чинән школ цевр, сәәхн болн таалта.

Сургъулин джил эклхд эн школ ямаран бәәсн болна, тер кевтнь хадгълхмн гисн шиидвр эврән бийнь ирв. Классмудиг цеврәр болн дигтәгъяр хадгълх, школин хамг өвөдиг хамхлго бәрх дөр эклв.

7-ч „Б“ классд ууднь заардж сулдад, деерк онцгин шалдарнь ундж олсн бәәдж. Сургъульчнр бийснь уудән ясад, шалдарнь унсн газринь шалдад, партсан болн полан бийснь угъачкв.

Александр Колодько санмсер угагъар йовад, терзин шил хамхлчкв. Аргъ уга, шилинь тәвдж өгх зөвтә болв.

Школиг цевр-цеерәр бәәлгъхин тускар санитарн комисс болн санитарн надзор хәләнә. Сән гисн классд, дамдждж өггдлг вымпел өггднә.

Сургъульчнр иим ик чинртә даалгъвр авч, джилин утуршарт ончтагъяр кәдлснә ашд эн школд ясвр керглгдсн а. Тер учр деерәс 60 миньгън арслнь школд үлддж әрвлгдв. Эн мөнъгәрн автомаши, станокс, болн мастерскойд кергтә оln зүсн зер-зев хулддж авб. Мастерскойиг эврәннь чидләр тосхкар сургъульчнр шиидцхәв. 8—10 классин сургъульчнрас

Викторий Зимовецкин гардвр-та тосхлтин бригад бурдәгдв. Кесг миньгън саман-кирпич кегъад, стенксинь босхчкв. Модна кәдлмшинь Иван Григорьевич Задорожный гидг урн гардв. Сургъульчнрин тосхлтин дамшлт энүгәр чилсн уга. Зунднь эдн стадион тосхв, баскетболнь, волейболнь площадкста, деегәрнь гәрәддг нүкдүдтә, тернь нам йоста стадион болдж гарв.

Ниднин джил бурдәгдсн школин производственн бригадин кәдлмшин тускар кәвүд келдж чадхмн. Хойр зун тонн-гар удобрень белддж, сургъульчнр эврәннь участкстан зөөдж асхв. Бийснь газран хагълад, тәрәд, тәрәгъән хәләгъад, гектар болгънас иим ургъц хурадж авб: боднцг—70 центнер, хавстн—8 центнер, агъурцг—112 болн помидор—165 центнер. 7,5 гектар газрт сад тәрцхәв.

Эн бригадт кәдлхдән цугъар дурлдж-соньмсдг болв. Бичкн газр эдләчнр, олар хурдж кәдлмш кедж, амрх цаган шуугата-байртагъяр давулна. Күч-кәлснә өдр чилсн хөөн эдн волейбол, футбол болн теннис наадад, радиоприемник соньсад, эс гидж школин музыкантин эрдм хәләдж соньсна. Художественн самодеятельностин кружокст кесгнь орлцна, оln зүсн сенр дегтрмүд умшцхана.

Эн школд арвн хойр келн әмтнә кәвүд-кәүүкд сургъульдасна, эдн цугъар нег өркбул мет ни бәәцхәнә.

В. ЛОГВИНОВ.

Яшалтинск дундин школ.